

Oqaluuserisassat ataatsimiinneq ammasoq:

Imm. 01 Oqaluuserisassat akuersissutigineri

**Aningaasaqarnermut tunngasut**

Imm. 3.1 2025-imiit 2026 tungaanut Sisimiuni Maniitsumilu sanaartukkanut naatsorsuutit kiisalu sanaartukkanut aningaasaliissutinik atunngitsuukkanik nuutsineq

**Suliassat nalinginnaasut**

Imm. 4.1 Oqaluuserisassatut siunnersuut – Innuttaasut amerlassusaat malillugu sanaartornernut aningaasaliissutit

Imm. 4.2 Ukioq atuarfiusumut 2024/2025-mut Qeqqata Kommunianut atuarfinnut pitsaassutsimik nalunaarusiaq

Imm. 4.3 Kangerlussuarmi sivilissusilerikkamik atorfinitsitsineq

Imm. 4.4 Nunatta Kitaani Nunamik allanngutsaaliukkamik pilersitsineq pillugu nalunaarusiaq pillugu tusarniaaneq

Imm. 4.5 Nunaqarfimmi Aqutisunik tunuarnissamik qinnuteqaat – Dorthe Olsen

**Paasissutissiissutit**

Imm. 6.1 Nunarsuarmioqatigiinnut kingornussassaqarfimmik Aasivissuit – Nipisat suliaqarnerup ingerlaqqinnera

Imm. 8.1 Tamalaat

Ataatsimiinneq ingerlanneqassaaq videokonference atorlugu aallartilluni nal. 08.30

*Peqataasut:*

***Atassut***

Bitten Heilmann

***Demokraatit***

Rachel Ingemann

Erne Olsen

***Inuit Ataqtigiit***

Juliane Enoksen

Winnie Ingemann, *sinniisussatut*

***Naleraq***

Jens M. Lyberth

Steffen Johansen

Nathan Møller

Batseba Karlsen, *sinniisussatut*

***Siumut***

Malik Berthelsen

Evelyn Mølgaard

Barnabas Larsen

Gideon Lyberth

Hans Frederik Olsen

Sika Zeeb-Olsen

***Peqataasinnaanani nalunaartoq***

Nivi H. Efraimsen

Karl Lyberth

**Imm. 01 Oqaluuserisassat akuersissutigineri**

**Aalajangiineq**

Tamalaani apeqquteqartoqarniarpoq.  
Oqaluuserisassat akuersissutigineqarput.

Aallaqqaasiullugu Aasivissuarnut Nipisanut tunngasumik saqqummiisoqarpoq.

**Imm. 3.1 2025-imiit 2026 tungaanut Sisimiuni Maniitsumilu sanaartukkanut naatsorsuutit  
kiisalu sanaartukkanut aningaasaliissutinik atunngitsuukkanik nuutsineq**

*Journal nr. 06.02.01*

Tunuliaqutaq

Ilanngussaq 5-imi takuneqarsinnaallutik sanaartukkanut ingerlasunut sanaartugassanullu sulii aallartinneqanngitsunut tunngatillugu, 2025-mi aningaasaliissutinik atunngitsuukkanik 2026-mut missingersuutit nuutsinissamik Teknikkeqarnermut Avatangiisinullu immikkoortorta matumuuna siunnersuuteqarpoq.

Sisimiuni Maniitsumilu sanaartugassatut suliaassani naammassisani tullinnguttuni sanaartornermut naatsorsuusiortoqarnikuvoq, takuuk ilanngussaq 1-4:

- 500355                    ATV-nut aqut Immikkoortoq 2, Sisimiut
- 500384\_004            Bussinut inissiisarfik, Maniitsoq
- 500405                    Itilleq Illorput 2100 Allangortitsineq, Sisimiut
- 500430                    Sarfat tungaanut aqqusinermik talliliineq, Maniitsoq

Maleruagassatigut tunngavigisat

Karseqarnermut naatsorsuuserinermullu malittarisassat. Sanaartornermut tunngasut TA-mit akissu-  
saaffigineqarput.

Sanaartukkanut naammassinikunut sanaartornermut naatsorsuusiortoqartartussaavoq. Sanaartor-  
nermi naatsorsuutit Teknikkeqarnermut ataatsimiititaliamit, Aningaasaqarnermut ataatsimiititaliamit  
Kommunalbestyrelsimiillu akuersissutigineqartussaapput, malitsigisaanillu kukkunersuisunit  
atsiorneqarlutik.

Pissutsit atuuttut

Ataani eqitsimmi aningaasanik sinaakkutitalimmik sanaartornermilu aningaasartuutivinnik allassi-  
masunik sanaartugassatut suliaassat tullinnguttut naammassereerput atorneqalereerlutillu:

Atuiffiup taaguutaa	Sanaartornissami anin- gaasaliissutit, Kr.	Sanaartornermut aningaasartuutit, Kr.	Nikingassut
500355 ATV-nut aqut immik- koortoq 2, Sisimiut	24.723.699,00	23.241.952,05	1.481.746,95
500384_004 Bussinut inissiisarfik, Maniitsoq	8.000.000,00	7.644.638,06	355.361,94
500405 Itilleq Illorput 2100 Al- langortitsineq, Sisimiut	500.000,00	588.900,00	- 88.900,00
500430 Sarfat tungaannut aqqusi- nermik talliliineq, Maniitsoq	2.500.000,00	1.975.600,00	524.400,00
*Kommunip aningaasartuutaani ni- kingassutit katillugit			<b>2.272.608,89</b>

\*Aningaasaliissutit nikingassutaanik naatsorsuineq siulequtaasa isumai atorlugit, - = sippuilluni atuineq, + = atuinikin-  
neq.

Sanaartornermi suliaassat nuutsinneqarnissamut qinnutigineqartut takussutissiami ilanngussaq 5-imi  
qalipaasersorneqarput. Suliami Sisimiut Maniitsullu eqqaani sanaartornerit kiisalu

ataatsimoorussamik suliassat pineqarput. Quleriiaani "Oqaaseqaatit" ataani sanaartugassanut pilersaarutini aningaasanik atunnigitsuukkanik nuutsitsinissamik kissaatigineqarnerit sumiiffinni allasimapput.

Illunik nutarsaanernut, Avatangiisinillu tapiissutinut ukiumut aningaasaliiffigineqartartunut atunnigitsuukkanut nuutsinissaq qinnuteqaatigineqanngilaq, ukiumoortumik ingerlatsinermut aningaasaliissutaanerorpasimmata aammalu Ingerlatsinermut immikkoortortamit ingerlanneqartuullutik. Suliniutinut naammassisanut inaarutaasumillu akileriikkanut aningaasanik atunnigitsuukkanik nuutsisoqarnissaanik qinnuteqartoqanngilaq.

#### Atuilluartuunissakkut kingunerisinnaasat

Kingunissaqanngilaq, sanaartukkat aallartisarneqareersut naammassineqarnissaannut aningaasaliisutit nuutsinneqarnissaat pisariaqarpoq.

#### Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunersiuisunit akuerineqartussat. Namminersorlutik Oqartussanik tapiiffigineqartumik sanaartugassatut suliassani, sanaartornermut naatsorsuutit kukkunersiuisut atsiugaasa assilinerat Namminersorlutik Oqartussanut nassiunneqassaaq. Sanaartornermi suliassanut sippuilluni atuineq karsimiittuutinit matussuserneqartarpoq, sanaartornermilu suliassanut atuinikinnerunerit karsimiittuutinut utertinneqartarlutik.

Sanaartukkanut isumaqatigiissuteqarfioersunut naammassinninnissamut kommuni pisussaaffeqarpoq. Sanaartugassanut entreprenørinut suli isumaqatigiissusiorfiunngitsunut, suliniut pisariaqartutut isigineqarunnaarsimappat maannamut killiffiani unitsinneqarsinnaavoq, kisianni siunnersortinut akissarsiaritit suliniutip unitsinneqarfiani killiffiup tungaanut akilerneqassallutik.

Suliniutinut suli aallartinneqanngitsunut sanaartugassatut kissaat pillugu paasissutissanik amerlanerusunik amigaateqarfiusuni aammalu sanaartornissamut pilersaarutitaqanngitsuni, suliniut kissaatigineqarunnaarsimappat sulianut taakkununga isumaqatigiissutinut pisussaaffinnik isumaqatigiittoqarnikuunaniluunniit, aningaasanik nuutsinissaq pinngitsuuginnarneqarsinnaavoq.

#### Allaffeqarfiup naliliinera

#### **Sanaartukkanut naatsorsuutit**

##### 500355 ATV-nut aqut immikkoortoq 2, Sisimiut

Imeqarfik sinerlugu Kangerluarsuk Tulliup tungaanut aqqusineramik kiisalu ATV-nut aqqummik pilersitsineq 2025-mi juulip qiteqqunnerani atorneqalerpoq. Imeqarfik sinerlugu aqqusineq ASN-imit ilaatinneqarpoq, taamaalilluni piffissap ingerlanerani suliniut akisunerulerluni. ATV-nut aqut aserfallatsaalineqartarnissaa pitsanngorsarneqartarnissaalu Ingerlatsinermut immikkoortup ataani atuiffimmut 562040800 tunniunneqarpoq.

##### 500384 004 Bussinut inissiisarfik Maniitsoq

Suliaq 2025-mi aggustimi tunniunneqarpoq aammalu 355.361 koruuninik atuinikinnerulaarfiulluni, tamannalu isumaqatigiissusiornermi 479 t.koruuninik sipaarutaasinnaasunik paasinnittoqarnikuuneranik peqquteqarpoq. Supoortumik kiassarnermik natermilu illersuutaasussanik suliniutinik ingerlatsioqarnikuuvoq, taakku ingerlatsinermi aningaasartuutikinnerunissamut ilaanissaat naatsorsuutaavoq.

##### 500405 Itilleq Illorput 2100 Allanngortitsineq

Ilaqtariinnut illumik nunaqarfimmut tamarmut ataatsimoorussamik illunngortillugu allanngortitsineq 2025-mi martsimi tunniunneqarpoq. 88.900,00 koruuninik atuinikinneruneq suliariumannittusarsiuussereernerup kingorna isumaqatigiissusiorfigisamut atasunngortinneqarsinnaavoq.

**500430 Sarfat tungaannut aqqusineramik talliliineq, Maniitsoq**

Suliaq septembarip 23-anni tunniunneqarpoq, amigaatit paasineqartut iluarsineqareerput aqqusinerlu atorneqalereerluni. 524.400 koruuninik atuinikinneruneq aningaasaliissutinit tamakkiisunit 21 procentiuvoq aammalu annertunerusumik naatsorsuutigeqqaakkamiit suliaq akikinneruneranik peqquteqarpoq.

Sanaartugassatut sulianut sisamanut atuinikinneruneq tamarmiusoq kommunimut 2.272.608 koruunivoq.

**Aningaasanik atunngitsuukkanik nuutsineq**

ERP-system malillugu suliniutip normui qaffakkiartortut malillugit allattugaasut sanaatornermut suliasanut suliniutit normui eqitsimmi Ilanngussa 5-mi allattorsimapput.

Aningaasanik ilanngaataqanngitsunik 240.593.839,17 koruuninik nuutsisoqarnissaa qinnuteqaatigineqarpoq. Suliani naammasseriikkani aningaasat sinneruttut 2.272.608 koruuniusut nuutsinneqarnissaat qinnuteqaatigineqanngilaq, taakku karsimut utertinneqassapput.

Suliamik saqqummiussaq februar-ip 8-anni 2026-mut natsorsuutinit kisitsiugallartut malillugit suliaavoq. Ullup taassuma kingorna naalernerani akiligassissutit naatsorsuutinit ikkunneqassappata ilanngussaq 5-mi aningaasartai nalimmassarneqassapput.

**Innersuussut**

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- sanaatornermut naatsorsuutit taakku sisamat akuerineqassasut.
- Teknikkeqarnermut ataatsimiititaliap Aningaasaqarnermut ataatsimiititaliamut innersuussutigissagaa, 2025-mi missingersuutinit sanaatornermut aningaasaliissutinik atunngitsuukkanik katillugit 240.593.839,17 koruuninik 2026-mut nuutsisoqassasoq, ilanngussaq 5-imi tulleriarlugit allanneqarnikuusutut sanaartugassatut pilersaarutini ataasiakkaani aningaasat agguataagaallutik.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Tullinnguuttunut sanaatornermut naatsorsuutit:

Ilanngussaq 1	Suliniut 500355	ATV-nut aqut immikkoortoq 2, Sisimiut
Ilanngussaq 2	Suliniut 500384_004	Bussinut inissiisarfik, Maniitsoq
Ilanngussaq 3	Projekt 500405	Itilleq Illorput 2100 Allanngortitsineq, Sisimiut
Ilanngussaq 4	Projekt 500430	Sarfat tungaannut aqqusineramik talliliineq, Maniitsoq

Aningaasanik atunngitsuukkanik nuutsineq:

***Kommunalbestyrelsen februarip 26-iani 2026 ileqqusumik ataatsimiinnerata 01 imaqarnilior-  
nera***

Ilannugsaq 5 Eqitsit, Sanaartugassanut aningaasaliissutinik atunngitsuukkanik 2025-mi missin-  
gersuutinit 2026-mi missingersuutinit nuutsineq atuiffiit aningaasallu

**Imm. 4.1 Oqaluuserisassatut siunnersuut – Innuttaasut amerlassusaat malillugu sanaartornernut aningaasaliissutit**

*Journal nr. 17.15*

Tunuliaqutaq

Kommunalbestyrelsesemi ilaasortaq Hans Frederik Olsen (S) 2026-mi januaarip 13-anni mailikkut oqaluuserisassatut siunnersuummik nassiussaqrpoq:

***Inuttussuseq aallaavigalugu sanaartugassanik aningaasalersuisalernissamik siunnersuut.***

*Ullumikkut missingersuuserinermi periuseq atorillugu inoqarfut ilaat annertuallaamik imaluunniit annikippallaamik aningaasaliivigineqartarnerannik oqallittoqartarpoq.*

*Inuttussuseq aallaavigalugu agguasalernikkut tamanna allanngortinneqarsinnaavoq, taamaalilluni inoqarfuit tamarmik naligiinnerusumik aningaasaliivigineqartalernissaat anguneqarsinnaalluni. Aamma taamaaliornikkut nunaqarfuit tamarmik sanaartugassanut aningaasanik immikkoortitsivigineqartarnissaat qulakkeerneqarsinnaavoq. Ullumikkummi pingaarnersuinermi nunaqarfuit ilaat pingaarnersuinermi sanaartugassatigut ilanngunneqanngitsoortarnerat nunaqarfimmiuniit misigineqartarpoq. Inuttussuseq aallaavigalugu aningaasalersuisalernikkut nunaqarfimmiut namminneq kissaataasa sukkanerusumik piviusunngortinneqarsinnaanerat taamaalilluni aamma anguneqarsinnaavoq.*

*Immikkut annertunerusumik nunaqarfinni pisariaqartitsisoqartillugu, soorlu nutaamik meeqqeriviliortoqassappat atuarfiliortoqassappalluunniit annertunerusumik aningaasaliisinaanissaq soorunami periarfissaajuannarnissaa ammatinneqassasoq aamma naatsorsuutigaara.*

Maleruagassatigut tunngavigisaq

Sanaartornermi neqerooruteqartitsisarneq pillugu Inatsisartut inatsisaat pillugu Namminersorlutik Oqartussat nalunaarutaat nr. 9, 20. august 2021-meersoq.

Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Pissutsit atuuttut

Maannakkut Qeqqata Kommuniani sanaartornermut tunngatillugu agguasassinerup agguasassisarnermi malitassaqaqqanngilaq, tamakku missingersuutit pillugit isumaqatigiinnermi pingaarnersiorneqartarmata. Paarlattuanik sanaartornermut aningaasaliissutinik agguasasseriaataasinnaasumik takunninnissaq pitsaassaaq, taamaalillutik sanaartortakktat innuttaasut amerlassusaannut tunngatillugu pitsaanerusumik tulluarsarneqarsinnaallutik.

Innuttaasoq ataasiugaangat sanaartornermi aningaasaliissutinik agguasassinerup iluaqutissartarisavaa, inoqarfinnit minnernit illoqarfinnut pitsaanerusumik ineriartortitsinerit qulakkeerinneqataanissaat, taamaaliornikkut inuiaqatigiit pitsaanerusumik ineriartornerat qulakkeerneqassaaq aammalu nunaqarfinni nunaqarfinnilu ineriartortitanut ataasiakkaanut suliarinninnissanut naamaattunik aningaasassaqaassalluni.

Sanaartornernut aningaasaliissutit sunniutilimmik siunertamullu naapertuuttumik atorneqartarnissaasa qulakkeerneqarnissaannut eqqortumik suliniut piginnaasanik ilisimasanilu qulakkeerinninnissamut peqarnissaq.

**Kommunalbestyrelsip februaarip 26-iani 2026 ileqquusumik ataatsimiinnerata 01 imaqarnilior-  
nera**

2025-miit 2026 tungaanut sanaartornermut aningaasaliissutit nuunneqartut innuttaasut amerlassusaat ataasiugaangat qanoq agguataarneqartarnersoq qiviaraanni, taava agguataarineq tullinguuttutut isikkoqarpoq

<b>Illoqarfik</b>	<b>Innuttaasut amerlassusaat</b>	<b>Sanaartornermut aningaasaliissutit 2026-mut nuunneqartut</b>	<b>Innuttaasut ataasiugaangat sanaartornermut aningaasaliissutit</b>
Maniitsoq	2.519	Kr. 57.137.286	Kr. 22.682,52
Atammik	184	Kr. 1.323.531	Kr. 7.193,10
Napasog	65	-	-
Kangaamiut	295	Kr. 28.557.274	Kr. 96.804,31
Sisimiut	5.485	Kr. 107.999.599,77	Kr. 19.689,99
Itilleq	100	-	-
Sarfannugit	91	Kr. 292.391	Kr. 3.213,08
Kangerlussuaq	440	Kr. 5.694.472,97	Kr. 12.941,98

\*ataatsimoorssamik ingerlatsinermit kuuffissuarnullu aningaasaliissutit naatsorsuinermit ilanngunneqanngillat

**Atuilluartaunissakkut kingunerisinnaasat**

Illut naggataagut ingutserinaannangorlutik aserfallatsaaliinissamut kinguleruteqqaneq ima anner-tutigilerani, illunik sulii aserfallatsaaliiginnarnissap qulakkeerneqarnissaa pingaaruteqarpoq. Taamaattumik illunik aserfallatsaaliisarnissat aammalu innuttaasut amerlassusaat malillugu ineri-artornerup qulakkeerneqarnissat atuilluartauneruvoq.

**Allaffeqarfiup naliliinera**

Allaffeqarfiup naliliinerivaa, sanaartornermut aningaasaliissutit sanaartornermut aningaasaliissutit aningaasat atorsinnaasat tamakkisunit agguataarinermit malitassamik suliaqarnikkut naatsorsorne-qarsinnaassasoq aammalu innuttaasut amerlassusaannik avillugu.

Qeqqata Kommuniani 2025-mi innuttaasut katillugit 9.179-iupput illoqarfinnut nunaqarfinnullu tul-linnguuttunut agguataarsimallutik

Maniitsoq	2.519
Atammik	184
Napasog	65
Kangaamiut	295
Sisimiut	5.485
Itilleq	100
Sarfannugit	91
Kangerlussuaq	440

Kommunalbestyrelsip malittarisariaqagassaattut assigiinngitsutigut naatsorsorneqarsinnaapput, peri-usaasinnaasut ilagaat inoqarfiup annertussusaa ukiumut sanaartugassanut aningaasaliissummik kommunip tamakkiisumi innuttaasut amerlassusaat gangerlugu, taamaaliornikkut inoqarfik ataasiu-gaangat sanaartornermut aningaasaliissutit agguataarlugit.

Agguaasseriaaseq pillugu inaarutasumik aalajangiisoqartinnagu tikkuassallugu pingaaruteqarpoq, sanaartugassat suliaasnik ataatsimoorussaqaartaratta soorlu kuuffissuit, aqquuserngit, biilnik pisi-nerit kiisalu sulii atualinngitsunut allanullu atugassiaasut namminersorlutik oqartussat ataatsimoo-russamik aningaasaliissutaat. Taamaattumik innuttaasut amerlassusaat malillugu agguasoqartas-sasoq kommunalbestyrelsip akuersissutigippagu sanaartornermut aningaasaliissutit agguataa-risarneq pillugu missingersuutit pillugit isumasioqatigiinnissamut saqqummeerusuppugut.

**Innersuussut**

Allaffeqarfiup innersussutigivaa, Kommunalbestyrelsi ataatsimiinnermini siunnersuut eqqartussaa ammalu siunissami innuttaasut amerlassusaat malillugu aningasaliissutit agguarneqartassanersut aalajangiullugu.

**Aalajangiineq**

Siunnersuuteqartup siunnersuutaanut taasititsinermi taasineq:

Isumaqaataasut: 10: EO RI JE WI SJ BK MB EM HFO SZO

Isumqataanngitsut: 4: BH JML NM GL

Taaseqataanngitsut: BL

Inuttussuseq aallaavigalugu sanaartugassanut agguasalernissaq akuersiisutigineqarpoq.

**Ilanngussaq**

1. Hans Frederik Olsen (S) e-mailerutaa
2. Sanaartugassanit angasaliissutit piffikkaartumik inissisimaffii

**Imm. 4.2 Ukioq atuarfiusumut 2024/2025-mut Qeqqata Kommunianut atuarfinnut pitsaassutsimik nalunaarusiaq**

*Journal nr. 51.00.21.02*

Tunuliaqut

Ukiut tamaasa atuarfeqarfiit oktobarip aallaqqaataa nallertinnagu pitsaassutsimut nalunaarusiortarput. Pitsaassuseq pillugu nalunaarusiap imarivaa ukioq atuarfiusoq kingulleq pillugu paasissutissat. Pitsaassutsimik nalunaarusiat paasissutissartaat pingaarnerit katersorneqartarput, pitsaassutsimut nalunaarusiamut ataatsimut katersorneqarlutik.

Maleruagassatigut tunngavigisag

Atuarfik pillugu Inatsisartut inatsisaat nr. 15, 3. december 2012-imeersumi § 49 imm. 2.

Pissutsit atuuttut

Allaffeqarfiup pitsaassutsimik nalunaarusianit paasissutissat katersorlugit ataatsimoorussamik pitsaassutsimik nalunaarusiannngortinnikuuai. Atuarfeqarfimmi suliniutissat eqqartorneqarnissaanni, ataatsimoortumik pitsaassuseq pillugu nalunaarusiaq atorineqartariaqarpoq. Pitsaassutsimik nalunaarusianit oqariartuutit pingaarnerit saqqummiunneqarput ugguuna:

**Pitsaassutsimik nalunaarusiami eqikkaaneq**

Atuartut akornanni atuagarsornikkut piginnaasat qaffassarneqarnissaat anguniarlugu alloriarfinni inaarutaasumillu misilitsinnerit inernerit ukkatarineqarput. Atuartitsissut Matematikki nukittorsaaviginiarlugu, atuartitsissummi matematikkimi atuartut piginnaasaasa / angusaasa naggataatigut pitsannngorsaaviginiarlugit, atuartitsissummi Matematikkimi piginnaannngorsaasoqarnissaa (Matematikkimi atuartitsisut) pillugu Kalaallit Nunaanni Ilisimatusarfik (ilinniartitsisunngorniarfik) Nalunnguarfiup Atuarfianiit januaari 2025-miit suleqatigineqalerpoq. Taamatuttaaq Minngortuunnguup Atuarfiani Matematikkimi ilinniaqqinneq ingerlanneqarpoq – periutsillu ilikkarnarnerit eqqunniarneqarlutik. Matematikstrategi siammarterniarneqarpoq. Nukarlerniillu toqqammaviliineq aallarnisarneqarluni. Tamatumuunalu paasinaqqissaarnermi pikkorissarnerit ingerlanneqarput aammalu atuartut atuarnissamut unamminartuutillit paasineqarnerulerlutillu ikiorneqarput. Ilaatigut qallunaatut atuarnemi ikiorneqarlutik.

Pitsaassutsimik nalunaarusiami siuliani kommunip karakterinut agguaqatigiissitsinera suaassutsinut sanilliussilluni aggulunneqarsinnaasimavoq, uanili Kalaallit Nunaanni naatsorsueqqissaartarfimminngaanniit kisitsisit pineqartumut ukioq atuarfiusumut nutarterneqannngimmata pitsaassutsimik nalunaarusiami tamanna misissoqqissaarneqarsinnaasimannngilaq. Amerlasuutigulli diagrammini nalinginnaasumik nivarsiaqqat nukappiaqqaniit atuartitsissutini tamani oqaluttariarsornikkut allattariarsornikkullu ajunnginnerumik angusaqartartut takuneqarsinnaavoq. Tassani nukappiaqqaniit atuartitsissutini tamani nivarsiaqqat allattariarsornikkut ukiumoortumik karakteriginnerusarlutik. Aammattaq nukappiaqqaniit atuartitsissutini tamani nivarsiaqqat oqaluttariarsornikkut ukiumoortumik karakteriginnerungaartut takuneqarnikuuvoq.

**Alloriarfinni misilitsinnerit inernerat**

Alloriarfinni misilitsinnerit inernerit takutippaat, Qeqqata Kommuniata atuarfii atuartitsissutitut alloriarfinnullu tamanut agguaqatigiissinnerisa takutikkaat, atuartitsissutini matematikkimi atuartitsissummilu qallunaatoornermi ilinniarnemi sulii pitsannngorsaalluni suliaqartoqartariaqartoq, inernerit takutimmassuk taakku suliasat affaat sinnerlugit kukkusumik suliarineqarsimasut.

Pitsanngorsaaniarluni sulineq ingerlavoq, aatsaallu piffissami qaninnermi aallartisarneqarluni, tamaattumillu inernerit malunnaatilimmik pitsanngoriarneri suli takuneqarsinnaannginneranut peqqutaasinnaanera ilimanarpoq.

Illoqarfinni atuarfinni 7. klassinut atuartitsissutip matematikkip ataani agguaqatigiissitsilluni kisitsit appasinnerpaaq 35-usoq Atuarfik Kilaaseeqqamiippoq. Illoqarfinni atuarfinni 7. klassinut atuartitsissutip tuluttoornerup ataani agguaqatigiissitsillunilu kisitsit qaffasinnerpaaq 85-iusoq Minngortuunnguup Atuarfianiippoq.

Atuarfik Kilaaseeqqami 3. klassit 7. klassillu amerlanersaat atuartitsissutini tamangajanni suliassamik affaat kukkusumik akinikuuvaat. Tamannalu agguaqatigiissitsinnermut apparsaataavoq. Nalunnguarfiup Atuarfiani 3. klassit 7. klassillu suliassat affangajaat affaalluunniit sinnerlugit annerusumik minnerusumilluunniit eqqortumik akinikuullugit.

### **Soraarummeerluni misilitsinnermi inernerit**

Kalaallisoornermi Nalunnguarfiup Atuarfia agguaqatigiissitsinnermit qaffasinnerulaarluni pitsaanerpaamik ingerlavoq aammalu illoqarfinni atuarfiit tamarmik kalaallisoornermi piginnaasanik misilitsinnermi qaffaseqatigiipput.

Piginnaasanik misilitsinnermi tamani appasinnerpaamik agguaqatigiissitsinnermiilluni qallunaatut piginnaasanik misilitsinnerit allaanerupput, tamatumani Atuarfik Kilaaseeqqami appasinnerpaamik agguaqatigiissitsinnermiilluni. Minngortuunnguup Atuarfia aamma Nalunnguarfiup Atuarfia ajunnginnerulaartumik angusaqarput.

Matematikkimi Nalunnguarfiup Atuarfia qaffasinnerpaamik agguaqatigiissitsinnermi angusaqarpoq, tassani Minngortuunnguup Atuarfia aamma Atuarfik Kilaaseeraq appasinnerusumik agguaqatigiissitsinnermi angusaqarfiullutik.

Tuluttoornermi piginnaasanik misilitsinnermi atuarfiit tamarmik akunnattumik qaffasissusilimmik agguaqatigiissitsinnermiipput.

Kalaallisoornermi allattariarsorluni misilitsinnerit aamma piginnaasanik misilitsinnerit qaffasingaatsiartumik agguaqatigiissitsinnermiillutik allaanerusumik inissimapput, tassani illoqarfinni atuarfiit tamarmik imminnut qaffaseqatigiillutik. Paarlattuanik piginnaasanik misilitsinneruulli allattariarsornerit, oqaluttariarsornerit appasissumik agguaqatigiissitsiffimmiillutik allaanerusumik inissimapput, tassanittaag illoqarfinni atuarfiit tamarmik imminnut qaffaseqatigiingajallutik.

Qeqqata Kommuniani atuartut soraarummeertussat amerlanersaat projekteqarlutik suliaqarnermi qaffasissumik agguaqatigiissitsiffimmiillutik ingerlalluarputtaa, tassani agguaqatigiissitsineq GGS-skalamut sanilliullugu pitsaasup ajunngilluinnartullu akornanni inissisimallutik.

### **Atuanngitsoortarnej**

Illoqarfinni atuarfinni akuerisaanngitsumik atuanngitsoortarnerit ukioqqortusiartorneq malillugu suli qaffakkiartortarput. Nalunnguarfiup Atuarfiani nukarlerni akullernilu appasinnerpaamik agguaqatigiissitsiffimmiillutik. Illoqarfinni atuarfinni allani sanilliussilluni Atuarfik Kilaaseeraq qaffasingaatsiartumik akuerineqanngitsunik atuanngitsoorfiusarluni allaaneruvoq. Aammattaag akuerineqarluni atuanngittarneq taamaappoq, klassini alloriarfini tamani akuerineqarluni atuanngittarneq qaffasingaatsiarluni Atuarfik Kilaaseeraq allaanerusumik inissisimavoq. Tassani Nalunnguarfiup Atuarfiani aammaarluni akuerineqarluni atuanngiffiusarluni aallaanerusumik inissisimavoq. Tamatuma Nalunnguarfiup Atuarfiata atuartut atuanngittarnerisa apparsarneqarnissaannik suliaqarnera ajunngilluinnartumik iluatsissimavoq.

Illoqarfinni atuarfinnik sanilliussilluni nunaqarfinni atuarfinni atuartut atuanngittarnerat nunaqarfimmiit nunaqarfimmut nikerartuusooq takuneqarsinnaavoq. Nunaqarfinni akuerineqarani atuanngittarneq appasingaatsiarpoq. Tassani nunaqarfinni ataasiakkaani qaffasingaatsiartooq takuneqarsinnaalluni. Assersuutigalugu Napasumi 1.-3. klassit 9,9 procentii akuerineqaratik

atuangitsoortarput aammalu Kangaamiut Atuarfiani 9.-10. klassit 6,4 procentii akuerineqaratik atuangitsoortarlutik.

Sisimiuniit illoqarfimmi atuarfinnik sanilliussissagaanni nunaqarfinni akuerineqarluni atuangittarneq qaffasilaarpoq, kisianni Atuarfik Kilaaseeqqamik sanilliussigaanni, atuangittarnermut procenti appasinneruvoq, holdenili ataasiakkaani qaffaseqatigipjaarlugu.

Pitsaassutsimik nalunaarusiami matumani ilinniartitsisut sulinngittarnerat appassissumik inissisimavoq. Ilinniartitsisunut akuerineqarani sulinngittarnerit nungungajaavissimasut, ukioq kingulleq pitsaassuseq pillugu nalunaarusiatigut anguneqarpoq. Pitsaassutsimik nalunaarusiami matumani Kangaamiut Atuarfiat aamma Sarfannguit Atuarfiat ilinniartitsisunit akuerineqarani sulinngittarnerik takkussiffiupput.

Illoqarfinni atuarfiit ingammik ataatsimut ilinniartitsisuni sulinngitsoorfiunerupput, tassani sulinngitsoortarneq 5 procent sinnerlugu inissisimalluni. Aammalu ingammik Nalunnguarfiup Atuarfiani ilinniartitsisut qaffasinnerusumik sulinngitsoortarnermut procenteqarlutik. Nunaqarfinni atuarfiit ilinniartitsisut sulinngitsoortarnerat ataatsimut appasinnerulluni.

Atuarfiit 5% sinnerlugu inissisimasut ilinniartitsisut atuartullu peqanngittarnerannik apparsaaniarsarissapput.

Aningaasaqarnikkut allaffissornikkullu kingunerisinnaasai  
Aningaasatigut allaffissornikkullu kingunissaqanngilaq.

#### Allaffeqarfiup naliliinera

Pitsaassutsimik nalunaarusiat imarisai pitsaassutsimut nalunaarusiamut ataatsimut katersorneqarput, Ilinniartitaanermut ataatsimiititaliamut kiisalu Kommunalbestyrelsimut paasissutissiissutitut oqallisissiatullu saqqummiunneqartarlutik.

Illoqarfinni atuarfinit nunaqarfinnilu atuarfinit tamanit pitsaassutsimut nalunaarusianik qulingiluanik allaffeqarfik tigusaqarnikuuvoq.

Pitsaassutsimik nalunaarusianik angusanillu nalilersuineramik qulinngiluaasunik eqikkaasutut pitsaassutsimik nalunaarusiamik ataatsimoorussamik suliaqartoqarnikuuvoq.

Kommunip atuarfiinut pitsaassutsimut nalunaarusiat ataatsimoortut atuarfeqarfimmi aqutsinermi sakkutut atorneqarsinnaapput, allaffeqarfiimut politikkerinullu pisariaqartutigit takunnilluarsinnaanermut pisarialimmik pilersitsisinnaammata. Ataatsimoortumik pitsaassuseq pillugu nalunaarusiaq kommunip nittartagaatigut tamanut saqqummiunneqassaaq.

Pitsaassuseq pillugu nalunaarusiat, kommunalbestyrelsip atuarfinnik nakkutilliinerani aallaavittut atorneqassapput. Taamaattumik kommunalbestyrelsip nakkutilliilluni ukiumoortumik alakkarerinerani kiisalu atuarfinni siulersuisut aamma Ilinniartitaanermut ataatsimiititaliap (takuuk attaveqarnissami nakkutilliinissami pilersaarut) oqaloqatigiittarnerini pitsaassuseq pillugu nalunaarusiat atorneqartassapput.

#### Atuilluartuunissakkut kingunerisinnaasat

Pitsaassuseq pillugu nalunaarusiat atuarfeqarfinni suliat pillugit ersarinnerulersitseqataasarput. Pitsaassuseq pillugu nalunaarusianik siunertaasoq tassaavoq, atuarfinni ataasiakkaani kiisalu Qeqqata Kommuniani atuarfeqarfiit ataatsimut isigalugit ineriartornikkut isiginiarneqarnerulernissaat. Kommunalbestyrelsip, ingerlatsiviup aamma atuarfiit akornanni atuarfinnik ataasiakkaanik nalilersuineq aamma atuilluartuusumik ineriartortitsineq pillugu

tullerriaakkamik uppersaanissamat suleqatigiinnerullu qulakkeerneqarnisaaanut pitsaassutsimut nalunaarusiat sakkussaapput.

### Innersuussut

Ilinniartitaanermut ataatsimiititaliamut innersuussutigineqarpoq:

- Atuarfiit pitsaassutsimut nalunaarusiaat aamma ataatsimoortumik pitsaassutsimik nalunaarusiaq tusaatissatut tiguneqassasut
- Ataatsimoortumik pitsaassutsimik nalunaarusiamit angusat eqqartorneqassasut
- Suliaq kommunalbestyrelsimut ingerlateqqinneqassasoq

### Ilinniartitaanermut ataatsimiititaliap suliamik suliarinninnera

Ataatsimiititaliap 9. februar 2026 ataatsimiinnerani innersuussutit tusaatissatut tiguneqarput. KB-mut ingerlateqqinneqassaaq.

### **Innersuussut**

Ilinniartitaanermut ataatsimiititaliap Kommunalbestyrelsimut innersuussutigivaa akuereqqullugu,

- Atuarfiit pitsaassutsimut nalunaarusiaat aamma ataatsimoortumik pitsaassutsimik nalunaarusiaq tusaatissatut tiguneqassasut
- Ataatsimoortumik pitsaassutsimik nalunaarusiamit angusat eqqartorneqassasut

### **Aalajangiineq**

Nersualaagassat nersualaarneqarput ernumanartutullu isigineqartut oqaatigineqarlutik.

Tullinguullutik ataani allassimasut sulissutigineqassasut piumasarineqarpoq:

Atuartitsissutini qallunaatut matematikimilu angusat qaffassarneqarnissaat.

Akuerineqarani atuangitsoortarnerup inortuisarnerullu suli apparsarneqarnissaa, ingammik Maniitsumi tamatuma annertunerusumik sulissutigineqassasoq.

### **Ilanngussaq**

1. Ataatsimoorussamik Pitsaassuseq pillugu nalunaarusiaq 2024/25\_grl
2. MA-mi ukiumi atuarfiusumi 2024-25-imi pitsaassuseq pillugu nalunaarusiaq\_grl
3. Nalunnguarfiup Atuarfianit pitsaassutsimik nalunaarusiaq 2024/25\_grl
4. Atuarfik Kilaaseeqamit pitsaassutsimik nalunaarusiaq 2024/25\_grl
5. Qinguata Atuarfianit pitsaassutsimik nalunaarusiaq 2024/25\_grl
6. Kangaamiut Atuarfianit pitsaassutsimik nalunaarusiaq 2024/25\_grl
7. Napasup Atuarfianit pitsaassutsimik nalunaarusiaq 2024/25\_grl
8. Itillip Atuarfianit pitsaassutsimik nalunaarusiaq 2024/25\_grl
9. Atammup Atuarfianit pitsaassutsimik nalunaarusiaq 2024/25\_grl

**Imm. 4.3 Kangerlussuarmi sivissusilerikkamik atorfinitsitsineq**

*Journal nr. 03.01.03*

Tunuliaqut

Ukiuni arlaqartuni Qinguata Atuarfia ilinniartitsisutut perorsaasutullu ilinniarsimasunik sulissarsiornermut atorfimiititsiinnarnissamullu ajornartorsiuteqarnikuuvoq. Tamanna atuartitsinermit pitsaassutsimut ataavartitsinermullu unamminartitsivoq. Mittarfiup annikillisinneqarnerata kingorna pissutsit ajorseriarnikuupput, tamatuma nunaqarfimmi atugassarititaasunik allanngortitsinikuuvoq aammalu sulissusunik piginnaasaqarluartunik orniginarsaanissamut ajornarnerulersitsilluni. Maanakkut Qinguata Atuarfiani sivissusilerikkamik atorfinitsitaqanngilaq. Taamaattumik Qinguata Atuarfiani sulissarsiornermut atorfimiititsiinnarnissamullu suliniuteqarneranut immikkut sivissusilerikkamik atorfinitsitsisarnermik pilersitsinissamut politikikkut isummertoqarnissaanik kissaateqartoqarpoq.

Maleruagassatigut tunngavigisaq

- Meeqqat atuarfii pillugit Inatsisartut inatsisaat, meeqqat atuarfiinik ingerlatsinermut inuttalersuissamullu kommunit akisussaaffiinik aalajangersaasoq.
- Ilinniartitsisutut perorsaasutullu sulisunut isumaqatigiissutit atuuttut atorfinitsitsinermilu aalajangersakkat, matumillilimmik piffissaliilluni atorfinitsitsinissamut periarfissat.
- Pisortat immikkoortortaanni sivissusilerikkamik atorfinitsitsinissamut Naalakkersuisut aalajangersagaat, immikkoortuni avinngarusimanerusuni sulissarsiornermut atorfimiititsiinnarnissamullu atorqarsinnaasut.

Pissutsit atuuttut

Mittarfiup annikillilerneqarneranit atuartut 75-iniit 53-inut apparipput. Atuarfik qulinik aalajangersimasumulisooqarpoq, taakkunanga sisamat ilinniartitsisutut/perorsaasutut ilinniagaqartuullutik. Ukiuni kingullerni atuarfimmi sulisut annerpaamik 50 %-ii ilinniarsimasuupput. Tamatuma sania-tigut immikkut atuartitsisoqartarnissamik pisariaqartitsineq qaffariartorpoq. Atuarfik 19-inik immikkut pisariaqartitsisunik atuartuuteqarpoq, sulisullu sisamat piffissaq tamakkerlugu immikkut atu-artitsinermik ingerlatsisuullutik.

Tamanna tunngavigalugu nunaqarfimmi atorfinitsitsiniarnerup nukittorsarnissaanut sivissusile-riikkamik atorfinitsitsinukut immikkut atorfinitsitsinermi atugassarititanik atuutilersitsinissap pi-sariaqarnera nalilerneqarpoq.

Atuilluartuunikkut aningaasaqarnikkullu kingunerisinnaasai

Sivissusilerikkamik atorfinitsitsisarnermik pilersitsinermi atuilluarnerusumik inuttaqarnissamut aammalu atuartitsinermi annertunerusumik patajaannersusitsinissamut tunniuseqaassasoq naatsor-suutigineqarpoq. Suliniut tapiissutitigut imaluunniit immikkut atugassaqartitsinikkut annertuneru-sumik aningaasartuuteqarsinnaavoq, illuatungaatigulli paarlatsinut, atorfinitsitsiniarnermut sulisullu paarlakaannerinut aningaasartuutaasunut apparsaataasinnaanik nalilerneqarluni.

<b>Aningaasaqarnikkut kingunerisinnaasai</b>		
<b>Aningaasartuutit suussusii</b>	<b>Ilinniartitsisumut ataatsimut as-sersuut</b>	<b>Ukiumut anin-gaasartuutit (miss.)</b>
Sulissarsiornermi aamma atorfimi-ititsiinnarniarluni tapit	1.700-2.500 kr. qaammammut	20.000–30.000 kr.
Nutsernermut aningaasartuutit (ataasi-artumik aningaasartuutit)	Nunaqarfimmut nuunneq	50.000–80.000 kr.
Angalanernut aningaasartuutit	Ukiumut ataasiarluni-marloriarluni angalanerit	10.000–30.000 kr.

**Kommunalbestyrelsen februaarip 26-iani 2026 ileqquusumik ataatsimiinnerata 01 imaqarnilior-  
nera**

Sulisussarsiorneq pilerisaarinerlu	Sulisussarsiorneq atorfinitsitsiner- milu ingerlatsineq	5.000–15.000 kr.
<b>Assersuutit katinneri (ukioq ata- aseq)</b>	Tapi + nutserneq + angalaneq	<b>85.000-155.000 kr.-it missaanni</b>

### Allaffeqarfiup naliliinera

Allaffeqarfik naliliivoq, Kangerlussuarmi maannakkut sulisoqarniarneq atuarfiup ingerlannissaanut atuartullu atuartinneqarnissaanut neqeroorummut unamminartitsimmat, anguniagalimmik sulisusarsiornermut atorfimiititsiinnarnissamullu suliniuteqarnissamik immikkut pisariaqartitsisoqartoq.

Patajaannerusumik sulisoqarnissamut aammalu ilinniartitsisutut perorsaasutullu ilinniarsimasunik annertunerusumik orniginarsaanissamut sivilissusilerikkamik atorfinitsitsisarnerit iluaqutaassasut.

Aaqqiissut siunissamut pilersinneqarnissaa kissaatigineqarpoq, maannakkulli atorfillit pingasut aaqqiissuutip iluanut ilanngutinneqarnissaanik kissaatigineqartunut tapit qanoq iliuuseqarfiginissaat aamma isummerfigineqarnissapput. Ilinniartitsisunut pingasuusunut piffissamik akuersissuteqarnermit tapit tunniunneqassanersut, sivilissusilerikkamik atorfininnermut ikaarsaassanersut aammalu ilinniartitsisut nutaat siunissami sivilissusilerikkamik atorfinitsinneqassanersut ataatsimiititaliamit toqqarneqassaaq.

### Innersuussut

Taamaammat allaffeqarfiup innersuussutigaa:

1. Kangerlussuarmi atuarfimmu ilinniartitsisunik perorsaasunillu ilinniarsimasunik orniginarsaanissamut atorfeqartitsiinnarnissarlu siunertaralugit, siunissamut sivilissusilerikkamik atorfinitsitsisarnermik periarfissiisoqartarnissamut ataatsimiititaliaq akuersissuteqassasoq.
2. Sulisooreersunut pingasuusunut tapeqartitsinissamut aammalu aaqqiissuutip atuutilerneranit tapit tunniunneqartarnissaannut ataatsimiititaliaq isummissasoq.
3. Aaqqiissummut allaffeqarfik tigussaasunik sinaakkusiissasoq, matumani aningaasaqarneq atorfinitsitsinermullu atugassarititaasut ilanngullugit inaarutaasumik akuerisassanngorlugit.

### Ilinniartitaanermut ataatsimiititaliap suliamik suliarinninera

Ataatsimiititaliap 9. februar 2026 ataatsimiinnerani innersuussutigineqartut akuersissutigineqarput KB-mut ingerlateqqinneqassasoq.

### **Innersuussut**

Ilinniartitaanermut ataatsimiititaliap Kommunalbestyrelsimut innersuussutigivaa akuereqqullugu,

1. Kangerlussuarmi atuarfimmu ilinniartitsisunik perorsaasunillu ilinniarsimasunik orniginarsaanissamut atorfeqartitsiinnarnissarlu siunertaralugit, siunissamut sivilissusilerikkamik atorfinitsitsisarnermik periarfissiisoqartarnissamut ataatsimiititaliaq akuersissuteqassasoq.
2. Sulisooreersunut pingasuusunut tapeqartitsinissamut aammalu aaqqiissuutip atuutilerneranit tapit tunniunneqartarnissaannut ataatsimiititaliaq isummissasoq.
3. Aaqqiissummut allaffeqarfik tigussaasunik sinaakkusiissasoq, matumani aningaasaqarneq atorfinitsitsinermullu atugassarititaasut ilanngullugit inaarutaasumik akuerisassanngorlugit.

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Kangerlussuarmi pissutsit pillugit allaaserisaq

**Imm. 4.4 Nunatta Kitaani Nunamik allanngutsaaliukkamik pilersitsineq pillugu  
nalunaarusiaq pillugu tusarniaaneq**

*Journal nr. 80.11*

Tunuliaqutaq

Nunatta Kitaani Nunamik allanngutsaaliukkamik pilersitsinissaq pillugu nalunaarut Pinngortitamut Avatangiisinullu Naalakkersuisoqarfiup 2025-mi decembarip 17-anni tusarniutissanngorlugu nassiuppa. Tusarniaanermi akissuteqarnissaq 2026-mi marsip pingajuannut killeqarpoq.

Maleruagassatigut tunngavigisaaq

Pinngortitamik illersuineq pillugu Inatsisartut inatsisaat nr. 29, 18. december 2003-meersoq. Kalaallit Nunaanni masarsoqarfiit nunanit tamalaanit toqqarneqartut illersorneqarnissaat aamma timmissat imarmiut ilaasa illersorneqarnissaat pillugu Namminersorlutik Oqartussat nalunaarutaat nr. 12, 1. juni 2016-meersoq. Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq.

Pissutsit atuuttut

Qeqqata Kommunalbestyrelsia 2020-mi februarip 27-anni ataatsimiinnermini aalajangiivoq, Kangerlussuup avannaatungaani Kalaallit Nunaanni Masarsoqarfiit annersaannik Eqalummiut Nunaat-Nassuttuup Nunaa-nik ilaqartumik nuna allanngutsaaliugaq pillugu pilersaarutit ingerlateqqinneqassasut.

Kommunalbestyrelsi aalajangiivoq, Kommune Qeqertalik, Namminersorlutik Oqartussat, inuussutissarsiutigalugu piniartut, takornarialerisut allallu ilanngutsinneqassasut siunnersuummik tapersersuisoqarnerisooq paasiumallugu. Masarsoqarfiup pingajorarterutaata missaa Kommune Qeqertalimmi inissisimavoq Kommune Qeqertalillu siunnersuummut isumaqataalluariarmat kommunit marluusut Avatangiisinut Pinngortitamullu Naalakkersuisoqarfimmik susasaqartunillu allanik peqateqarlutik suleqatigiissitaliorput.

Borgmesterit Ane Hansen aamma Malik Berthelsen illoqarfinni nunaqarfinnilu 2022-mi 2023-milu innuttaasunik ataatsimiisitsipput, tassani Nuna Allanngutsaaliugaq pillugu pilersaarutinut annertunerisumik tapersersuisoqarluni. Piniarneq ingerlareersoq kalluarneqarnaviannigisooq ilanngullugu Nuna allanngutsaaliugaq pillugu pilersaarutit nassuiaatigineqareernerisali aatsaat kingorna. Paatsuunganartinneqarnikuuvoq sulilu paatsuunganartinneqarluni, inatsisitigut tunngavissaaq oqaatsimik `eqqissimatitsineq`-mik aallaaveqartinneqarmat, naak piniarneq ingerlareersoq kalluarneqarnaviannigisooq.

EU-mik suleqatigiiffik Grøn Vækst aqutugalugu Nuna allanngutsaaliukkamat Avatangiisinut Pinngortitamullu Naalakkersuisoqarfik EU aningaasanik pissarsinikuuvoq. Kommunit peqatigalugit Avatangiisinut Pinngortitamullu Naalakkersuisoqarfik suliami suliniummik aqutsinermik tiguisooq aammalu Namminersorlutik Oqartussani immikkoortortat aqutsisoqatigiinni inuttaqartinneqarlutik. 2025-mi innuttaasunik ataatsimiisitsinermi saqqummiunneqartumik nunataq pillugu nalunaarusiamik tunngavissumik suliarilluakkamik Pinngortitaleriffik suliaqarnikuuvoq.

Kommune Qeqertalimmi Nuna allanngutsaaliugaq annertusineqarnissaa Avatangiisinut Pinngortitamullu Naalakkersuisoqarfiup aamma Qeqertalik Kommunep kissaatiginikuuvaat, taamaalilluni Qeqertarsuup tunuata kujataani inissisimasup Nateernap nunataani Masarsoqarfimmik aamma Masarsoqarfiit marluusut akornanni nunatamik ilaqalissalluni. Qeqqata Kommuniani nuna qerineq ajortumi nunataq allilerneqarnikuunngilaq. Aqutsisoqatigiit Sermersuup ilaa Nuna allanngutsaaliukkami ilaatinneqarnissaa pillugu isumaqatigiinnikuupput.

Eqqissimatitaasoq pusi Qasigiaq, nerleq, nerlerit imarsiortut tuttullu piaqqiortut pillugit mianerinnittoqartariaqartoq Pinngortitaleriffiup tunuliaqutissatut nalunaarusiaani tikkuussisoqarpoq, taamaattumik uumasunut suussutsinut sisamaasanut mianerinnittussamik naluaarummi nunatanut assinngiitsunut A, B, C aamma D-mut ilanngussisoqarnikuuvoq. Qeqqata Kommunianni nunatanik A-nik, B-nik C-nillu pilersitsisoqarnikuunnigilaq, kisianni Kangerlussuup avannaatungaani nunataq D1 tutut piaqqiortut mianeriniarlugit. Tassunga ilaassaaq Qeqqata Kommunalbestyrelsiata immikkoortikkusutaatut aqquiti ilisarnaasersukkat avataatungaanni piffissami 20. maj 20. juni uninngaartoqartassanngilaq, angallattoqartassanngilaq suliaqartoqaranilu.

#### Atuilluartuunissakkut kingunerisinnaasat

Pinngortitaq uumasullu aamma nunatassinneqarpata, tassani eqqissisimanerpaatitaasinnaallutik atuilluartuunerussaag. Tamanna ingammik pingaaruteqarpoq kommuni nunap ammannartup annertunerusunut atorneqarnissaanut pingaarnersiulerpat, soorlu aqqusinniornermut, takornariaqarnermut, aatsitassarsiornermut allanullu.

#### Aningaasaqarnikkut allaffissornikkullu kingunerisinnaasai

Qeqqata Kommuniata Nunap allanngutsaaliugartaata ilaa Masarsoqarfimmik aamma nunarsuarmioqatigiinnut kingornussassaqaarfimmi Aasivissuit-Nipisat ilaanik ilaqarmat, kommunimut aningaasaqarnikkut allaffissornikkullu kinguneqaqqissanngitsoq naatsorsuutigineqarpoq. Nunamik allanngutsaaliukkamik kommuni nakkutilliisuusaaq, kisianni Kangerlussuarmi kommunip park rangeria nunarsuarmioqatigiinnut kingornussassaqaarfimmi nakkutilliisooreerpoq aammalu siunissami tutut piaqqiornerisa nalaani takornarissanit il.il. akornusersorneqannginnissaat annertunerusumik ukkarissallugu.

Nuna allanngutsaaliukatut toqqaanermi ilaatigut Kangerlussuup avannaatungaani piaqqiorfinnik illersuineramik pitsaasunik kinguneqassasoq naatsorsuutigineqarpoq. Aqutsisoqatigiit Nuna allanngutsaaliukkami eqqakkanik paaasarnissamut avataanit aningaasalersuinnaasunik periarfissanik misissuivoq. Nunami allanngutsaaliukkami ilisimatusarnerulerneq aammalu tutut umimmaallu pillugit ilisimasaqarnerulertoqassasoq kingunissat ilagissagaat naatsorsuutigineqarpoq, tamannalu uumasooqatigiit ikilinerannik misigisoqarpat aqqiissutissanik nassaarnissamut pingaaruteqarpoq. Taamaattorli Sisimiut aqutsiveqarfiani tutut amerlassusaat maannakkut ajunngitsorujussuarmiippoq kisianni siusinnerusukkat annilaarnartumik appariaateqartoq nalunaarsorneqarnikuuvoq, tamatumani Kangerlussuup avannaatungaani tutut piaqqiorfiit amerlasusaasa ineriartorerinut aalajangiisuunikuugunarlutik.

#### Allaffeqarfiup naliliinera

Allaffeqarfik naliliivoq, nalunaarut suliarineqarnikuusoq tunngavigalugu Nunamik allanngutsaaliukkamik pilersitsineq nunap immikkoortuanut suliniutaassasoq pitsaasoq. Nuna allanngutsaaliugaq takornarissanit, ilisimatusartunit aningaasaateqarfinniillu soqutigineqartussaavoq, tamanna Kangerlussuarmut nunallu immikkoortuani takornariaqarnermi ukkatarineqarnermi qitiusussaavoq. Ilutigitilluguli nalunaarutip qulakkeertussaavaa, tutut piaqqiornerisa nalaani akornusersorneqannginnissaat, soorluttaaq piniarneq ingerlareersoq pisarnermisut ingerlaannarsinnaasoq.

#### Innersuussut

Aningaasaqarnermut ataatsimiititaliamit kommunalbestyrelsimiillu akuereqqullugu innersuussutigineqarpoq,

- Annertunerusumik oqaaseqaatitaqanngitsumik Nunatta Kitaani Nuna allanngutsaaliukkamik pilersitsineq pillugu nalunaarut akuersissutigineqassasoq

Aningaasaqarnermut ataatsimiititaliap suliamik sularinninnera  
Ataatsimiititaliaq 17 februar 2026 ataatsimiinnerani innersuussutigineqartoq  
akuersissutigineqarpoq.

### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Annertunerusumik oqaaseqaatitaqanngitsumik Nunatta Kitaani Nuna allanngutsaaliukkamik pilersitsineq pillugu nalunaarut akuersissutigineq**assasoq**

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Uunga siunnersuut: Nunatta Kitaani Nuna allanngutsaaliugaq pillugu nalunaarut (KAL/DK)
2. Ilanngussaq 1 Nalunaarut Nunatta Kitaani Nuna allanngutsaaliugaq - Nunap assingi - Sinaani killeqarfiit (KAL/DK)
3. Ilanngussaq 2 Nalunaarut Nunatta JKitaani Nuna allanngutsaaliugaq - Nunap assingi - Im- mikkoortut ilaat (KAL/DK)
4. Ilanngussaq 3 Nalunaatu Nunatta Kitaani Nuna allanngutsaaliugaq - Killersuinernik nassui- aatit(KAL/DK)
5. Nunatta Kitaani nunamik allanngutsaaliukkamik pilersitsisoqarneranit kingunissanik missu- inerugallartoq (KAL/DK)
6. **[natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland\\_20250520-KAL.pdf](http://natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland_20250520-KAL.pdf)**  
[natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland\\_20250520.pdf](http://natur.gl/wp-content/uploads/2025/05/Baggrundsrapport-forud-for-etablering-af-nationalpark-i-Vestgroenland_20250520.pdf)

## **Imm. 4.5 Nunaqarfimmi Aqutsisunik tunuarnissamik qinnuteqaat – Dorthe Olsen**

*Journalnr. 01.01.03*

### Tunuliaqutaq

Nunaqarfimmi Sarfannguani Itillimilu Aqutsisunut ilaasortaq Dorthe Olsen mail-ikkut qinnuteqarpoq Sarfannguani Itillimilu nunaqarfimmi aqutsisuniit tunuarnissamik ulloq 16. Januar 2026.

### Maleruagassatigut tunngavissaq

Kommunalbestyrelsinut, nunaqarfimmi aqutsisunut ilagiillu sinniissaanngu qinersisarnerit pillugit Inatsisartut inatsisaat nr. 27, 28. November 2016-immersumi §54:

“Ilaasortaq qinigaaffiup iluani kommunalbestyrelsimit tunuarniarluni qinnuteqarpat, qinnuteqaat taamaattoq qanoq kinguneeqartinneqassanersoq kommunalbestyrelsip aalajangissavaa”.

### Pissutsit atuuttut

Sarfannguani Itillimilu ataatsimoorussamik nunaqarfimmi aqutsisuusut tallimanik ilaasortaqarput, tassa Naleqqamiit pingasut Siumumiit marluk. Sinniisussat allattorsimaffiat naapertorlugu, sinniisussaqanngillat ilaasortaq ataaseq tunuarneratigut.

Qinersinermi inatsit naapertorlugu kommunalbestyrelsip naammaqutissamik qinersinissaq aalangiiffigisinnaavaa. Nunaqarfimmi aqutsisut suli atuutissapput april 2029-ip naanissaata tungaanut. Kommunit aquneqarneranut inatsit mallillugu nunaqarfimmi aqutsisut suli ukiuni pingasuni atuuttussaapput.

### Allaffeqarfiup naliliinera

Sarfannguani Itillimilu nunaqarfimmi aqutsisut suli ukiuni pingasuni atuuttussaanagerat isiginiarlugu, allaffeqarfiup innersuussutigivaa naammaqutissamik qinersisoqartariaqartoq. Taamaalluni sapinngisamik innuttaasut amerlanersaat sinniisoqaqqullugit.

### **Innersuussut**

Allaffeqarfiup innersuussutigissavaa, kommunalbestyrelsip akuersissutigissagaa

- 1) Dorthe Olsenip Sarfannguani/Itillimi nunaqarfimmi aqutsisuniit tunuarniutaa akuersissutigissagaa
- 2) Sarfannguani/Itillimi naammaqutissamik qinersinissaq siunertarlugu kommunalbestyrelsip Qinersinermut ataatsimiititaliamut innersuussusiussasoq.

### **Aalajangiineq**

Innersuussutigineqartut akuersissutigineqarput.

### **Ilanngussat**

1. Dorthe Olsenip nunaqarfimmi aqutsisuniit tunuarnissamut qinnuteqaataa
2. Sarfannguani/Itillimi nunaqarfimmi aqutsisunut sinniisussat allattorsimaffiat

## **Imm. 6.1 Nunarsuarmioqatigiinnut kingornussassaqaarfimmik Aasivissuit – Nipisat suliaqarnerup ingerlaqqinnera**

*Journalnr. 80.11*

### Tunuliaqutaq

Aasivissuit - Nipisat" 2018-imi juunip 30-anni UNESCO-mi allattorsimaffimmiitineqalerpoq: Sermersuup aamma Immap akornanni Inuit Piniarfii.

### Maleruagassatigut tunngavigisat

Namminersorlutik Oqartussat nalunaarutaat, kulturikkut eriagisassat allat pillugit sumiiffimmik Kalaallit Nunaata kitaani Aasivissuit - Nipisallu eqqaanni 30. januaari 2018.

### Pissutsit atuuttut

Nunarsuarmi kingornussassaqaarfimmik ingerlatsinissamik suliniutip immikkoortuanik siullermik Qallunaat Nunaanni aningaasaateqarfiit pingasut - Aage V. Jensen, Charity Foundation, Augustinusfonden aamma 15. juni Fonden - kiisalu Namminersorlutik Oqartussat ingerlatseqatigiiffiat imminut pigisuusoq Greenland Visitor Center aamma Qeqqata Kommunalbestyrelsiata aningaasalersornikuuat.

Piffissami 2021-25 allatseqarnermi ikuiunnermut aamma suliasanut tallimaasunut 9,5 mio. koruunit atorneqarnikuupput.

1. Ingerlatitseqqiinissamut illersuinissamullu suliniutit pilertortut (paasissutissiineq allagartarsualersuinerlu)
2. Ingerlatsinermi najoqqutassamik (takorluukkat pappiliangortiternerit, eqqortiasinnaasunik misissuinerit, innuttaasunik akuutitsineq) suliaqarneq
3. Nunami (Nipisat, Aasivissuit, Sarfanguani pavillioni aamma Sermersuarmut aqqummi issiaartarfik) suliniutit.
4. Katersugaasvinni (illup iluani silataanilu saqqummersitsinerit) oqaluttuat ingerlatitseqqiinerillu
5. Tusagassiuutit tusagassiuutigullu ineriartortitsinerit (nuannarineqarnissaanik ilisimatusarnikkut atuagassiaq, nittartagaq quppersagarlu sumiiffissiuut)

Tamakku saniatigut Greenland Visitor Center taaguusikkami "Nuna tamakkerlugu Takusassaqqissut" ataanni aningaasaateqarfinnut kommuninullu takusassangortinneqartuni naapertuuttumik sumiiffinni pingaarutilinni suliniutinik arlalinnik ingerlatsinikuuvoq.

Katersugaasivimmi saqqummersitanik aammaanermi Kommunalbestyrelsi ilaavoq suliniummilu suliniutit tigussaasut naammassineqarnikuusut alakkarternikuullugit. Suliniut kingulleq tasaanikuuvoq nuannarineqartunik ilisimatusarnikkut atuakkamik saqqummersitsisarfik GAD aqqutigalugu saqqummersinneqartumik saqqummiussineq, taanna allaaserinninnernik pitsaasunik pissarsiffiunikuuvoq.

Immikkoortoq 2 pillugu qinnuteqaat ingerlatsinissami najoqqutassiaq malitsigisaanillu itisiliinerit saqqummiunneqartunik tunngaveqartumik nassiunneqarpoq. Immikkoortoq 1-imi ineriartorneq aammalu suliamut sammivik ingerlaqqiffiususaaq pillugu kommunalbestyrelse ingerlaavartumik ilisimatinneqartarnikuuvoq.

Qeqqata Kommuniata ingerlatsinissamut najoqqutassiassatut missingiut aningaasaateqarfinnut pingasuusunut 2024-mi novembarimi saqqummiuppa. Malitsigisaanik takorluukkanut

takussutissanik, pingaarnersiulluni missingersuummik suliniummilu itisiliinerulluni allaaserinninnernik suliaqarneq ingerlateqqinneqarpoq.

Taakku tunngavigalugit immikkoortoq 2 ingerlanneqarnissaanut 2025-mi aggustimi kommuni aningaasaateqarfinnut katillugit 16,5 mio. koruuninik qinnuteqaateqarpoq. Juulli sioqqutilaaraa aningaasaateqarfiit nalunaaruteqarput, aningaasat qinnuteqaataasut aningaasartaannut tamakkiisunut naammattunik 5,5 mio. koruuninik tamarmik immikkut aningaasaliiniarlutik.

Immikkoortoq 2 (2026-2028).

Aningaasaliissutit suliniutinik tullinnguuttuniik ingerlatsinissamut periarfissiippat:

**A. Kulturikkut nunap ilaa piujuartooq**

- Allatseqarnermut tapertaaneq
- Eqqortiasunut nalilersuinerit
- Innuttaasunik peqataatitsineq
- Ilisimatusartunik suleqateqarneq

**B. Nunarsuarmioqatigiinnut kingornussassap tunngavilernera**

- Meeqqat atuarfiannut ilinniutitut iserfissamik digitaliusumik ineriartortitsineq
- Takornarissanut ilitersuutitut atortussamik pikkorissaanermillu ingerlatsinermik suliaqarneq
- Nunarsuarmioqatigiinnut kingornussassaqaqarfimmit oqaluttuanik katersineq
- Nerisassanik mamarunartunik eqqumiitsuliornikkullu immikkuullarissunik ineriartortitseqqi-ineq

**C. Angalaneq takisooq**

- Aasivissuarni nunarsuarmioqatigiinnut kingornussassaqaqarfimmi illuaqqamik pilersitsineq
- Illuaqqanik oqqisarfinnillu Amerloq verdensarvsloop-imik pilersitsineq
- Piniarnermik mianerinninnissaq pillugu Arctic Circle Trailimi pisuttunut paasissutissiinermut atortussat

**D. Inoqarfiit pisussaaffiliisut**

- Sisimiuni katersugaasiviup illutassanik nutaamik piareersarneq
- Sarfanguani niuffaffeeqqamik pilersitsineq
- Nunarsuarmioqatigiinnut kingornussassaqaqarfimmi aallaavilimmik illoqarfimmi eqqumiitsuli-  
anik ingerlatitseqqiineq

**E. Digitalimik misigisassat**

- Qanganitsanik nassaanik 3D atorlugu takunnissinnaanngortitsineq
- Ilisimatusartut sumiiffimmilu ilisimasanik qarasaasiakkut nunap assinganik suliaqarneq

Atuilluartuunissakkut kingunerisinnaasat

Immikkoortoq 1 tasaanerunikuuvoq nunarsuarmi kingornussassaqaqarfimmik ingerlateqqiineq qulak-  
keerinninnerlu. Immikkoortoq 2-mi nunarsuarmi kingornussassaqaqarfinnermi inissisimanini suli  
paariinnarissaanut piniarnermilu kulturi eqiterunnissaanut nungusaataannigsumillu ineriartortin-  
neqarnissaanut immikkoortumi suliniutit nukittorsarneqassapput.

Takorluukkanut takussutissaq takorluukkanik, anguniakkanik anguniakkanut periusissianik akimor-  
tumillu suliniteqarfiusunik ineriartormik matuminnga tapertaasunik imaqarpoq.

Aningaasaqarnikkut allaffissornikkullu kingunerisinnaasai

Aningaasaateqarfiit aningaasaliissutaat 2018-imi UNESC-p nunarsuarmioqatigiinnut kingornussas-  
saqarfinnut allattorsimaffianiilernermet tunngaviunikuusunut kommuniip suliniutiginikuusaanik ar-  
lalinnik piviusunngortitsinissamut periarfissiipput.

Suliniutip ilai ataasiakkaat pillugit allaffissornikkut pissutsit paasineqareeriarpata suliaq anin-  
gaasaqarnikkut kingunissaqanngitsoq aningaasaqarnermet ataatsimiititamukassaaq.

Allaffejarfiup naliliinera

Allaffejarfiup naliliinera tassaavoq, suliaq Aasivissuit - Nipisat pitsaasumik ineriartortoq aammalu  
aningaasaateqarfinnit aningaasaliissutit pissarsiarineqartunik suliniut piffissami 2026-2028 ingerla-  
teqqinnissaanut eqiterunnissaanullu qajannaatumik tunngavissiissasoq.

**Innersuussut**

Allaffejarfiup innersuussutigivaa, paasissutissiissut kommunalbestyrelsimit tusaatissatut tiguneqas-  
sasooq.

**Aalajangiineq**

Tusaatissatut tiguneqarpoq.

**Ilanngussaq**

1. Nunarsuarmioqatigiinnut kingornussassaqaqarfinnut Aasivissuit - Nipisat takorluukkanut takus-  
sutissaq
2. Suliniummik ingerlatsinissamik immikkoortoq 2-mut missingersuut

**Imm. 8.1 Tamalaat**

Sika Zeeb-Olsen Najukkami ataatsimiititaliamut apeqqutaa borgmesterip akivaa.

Steffen Johansen sissami kran-imut tunngasoq apeqqutaa pisortaanermit akineqarpoq.

Rachel Ingemann illunik eriagisassanik apeqqutaa borgmesterimit akineqarpoq.

Nathan Møller qalorsuit atorlugit saarullinniarnermut tunngasoq apeqqutaa borgmesterimit akineqarpoq.

Nathan Møller Tasersiamut apeqqutaanut tunngasoq borgmesterimiit akineqarpoq.